

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 09. Odluke o kriterijima, uslovima i načinu utvrđivanja udruženja sa statusom od posebnog interesa i društvenog značaja za Općinu Novo Sarajevo („Službene novine Kantona Sarajevo“ br. 23/17, 3/20 i 11/25), člana 16. stav 3. alineja k) Odluke o izvršavanju budžeta Općine Novo Sarajevo za 2025. godinu („Službene novine Kantona Sarajevo“ broj: 6/25) i člana 5. Pravilnika o sufinansiranju boračkih udruženja sa statusom od posebnog interesa i društvenog značaja za Općinu Novo Sarajevo („Službene novine Kantona Sarajevo“ broj: 18/25) Općinska načelnica Općine Novo Sarajevo raspisuje

JAVNI POZIV

za dodjelu sredstava boračkim udruženjima kojima je utvrđen status udruženja od posebnog interesa i društvenog značaja za Općinu Novo Sarajevo, za 2025. godinu

I - PREDMET JAVNOG POZIVA

Predmet ovog Javnog poziva je dodjela sredstava planiranih u Budžetu Općine Novo Sarajevo za 2025. godinu za podršku i obezbjeđenje finansijske pomoći udruženjima sa statusom od posebnog interesa i društvenog značaja za Općinu Novo Sarajevo.

II – PRAVO UČEŠĆA

Pravo učešća po ovom Javnom pozivu imaju udruženja kojima je utvrđen status udruženja od posebnog interesa i društvenog značaja za Općinu Novo Sarajevo, Odlukom o utvrđivanju boračkih udruženja sa statusom od posebnog interesa i društvenog značaja za Općinu Novo Sarajevo ("Službene novine Kantona Sarajevo" broj 45/17, 6/20, 49/21 i 7/24).

III – VRSTE TROŠKOVA

Dodijeljena sredstva po ovom Javnom pozivu, mogu se koristiti za finansiranje troškova, kako slijedi:

- a) plaćanje režijskih troškova,
- b) plaćanje troškova realizacije programskih aktivnosti,
- c) plaćanje troškova nabavke opreme za realizaciju programskih aktivnosti,
- d) plaćanje ostalih troškova neophodnih za rad udruženja od javnog interesa.

IV – KRITERIJI ZA DODJELU SREDSTAVA

Raspodjela sredstava udruženjima sa statusom od posebnog interesa i društvenog značaja za Općinu Novo Sarajevo vršit će se na osnovu općih i posebnih kriterija.

1. Opći kriteriji:

- posjedovanje rješenja o registraciji udruženja kod Ministarstva pravde, najmanje 1 (jednu) godinu do dana objavljivanja javnog poziva,
- uredno ispunjavanje obaveza iz svih prethodno zaključenih ugovora o finansiranju i sufinansiranju iz budžetskih sredstava Općine (ili po osnovu ranije dodijeljenih sredstava, ako nisu zaključivali ugovore) – Komisija za provedbu Javnog poziva pribavlja službenim putem,
- uredno ispunjavanje obaveze plaćanja poreza i doprinosa,
- usvojen izvještaj o radu udruženja za prethodnu godinu (usvojen od strane Skupštine),
- usvojen finansijski izvještaj za prethodnu godinu za utrošena sredstva dodijeljena od strane Općine i sredstva iz drugih izvora kojima se finansira udruženje (usvojen od strane Skupštine),
- usvojen program rada za tekuću godinu sa finansijskim planom i obrazloženjem (usvojen od strane Skupštine).

2. Posebni kriteriji:

- kvalitet prijave (narativno i finansijski obrazložen program rada udruženja i aktivnosti predviđene planom i programskim aktivnostima),
- broj programskih aktivnosti na području Općine,
- usklađenost programskih aktivnosti i ciljeva udruženja sa javnim interesom Općine,
- zbirni finansijski izvještaj o ostvarenim ukupnim prihodima i rashodima u toku budžetske godine (navesti prihode iz drugih izvora),
- izvještaj o urednom finansijskom poslovanju za prethodnu godinu (bilans stanja i bilans uspjeha),
- opravdanost broja zaposlenih u udruženju (ukoliko ih ima) u odnosu na broj članova,
- organizacijske i finansijske kapacitete podnosioca prijave,
- broj realizovanih i započetih projekata u prethodnoj godini,
- dosadašnje iskustvo podnosioca prijave u provođenju aktivnosti od značaja za Općinu Novo Sarajevo (izvještaji, broj korisnika obuhvaćen projektima),
- aktivnosti udruženja na očuvanju kulture sjećanja i promociji vrijednosti odbrambeno-oslobodilačkog rata 1992.-1995. godine i NOR-a 1941.-1945. godine,
- broj članova udruženja (ažurirani spiskovi iz prethodne godine),
- posvećenost i inovativnost u rješavanju potreba članstva,
- saradnja i pomoć drugim udruženjima,

Posebni kriteriji se boduju u svrhu određivanja visine sredstava koja se dodjeljuju iz Budžeta Općine.

V – MAKSIMALNA VISINA SREDSTAVA

Sredstva za ovu namjenu obezbjeđena su u Budžetu Općine za 2025. godinu. Ukupan iznos sredstava koji se može dodijeliti u ovu svrhu iznosi 100.000,00 KM.

Maksimalan iznos sredstava koji se može dodijeliti za podršku i obezbjeđenje finansijske pomoći po udruženju sa statusom od posebnog interesa i društvenog značaja za Općinu Novo Sarajevo iznosi 30.000,00 KM.

Općina Novo Sarajevo zadržava pravo da ne dodijeli sva dostupna finansijska sredstva.

VI – POTREBNA DOKUMENTACIJA

- a) popunjen, potpisan i ovjeren prijavni obrazac za sufinansiranje rada udruženja – NS-OB-183, koji je sastavni dio javnog poziva, a koji se preuzima na web stranici Općine;
- b) rješenje o registraciji udruženja, izdato od nadležnog organa, sa zadnjim izmjenama podataka, ovjerena fotokopija ne starija od 3 (tri) mjeseca;
- c) statut udruženja, ovjerena fotokopija ne starija od 3 (tri) mjeseca;
- d) uvjerenje o poreznoj registraciji (ID broj), ovjerena fotokopija ne starija od 3 (tri) mjeseca;
- e) uvjerenje o izmirenim poreskim obavezama, ne starije od 30 (trideset) dana od dana objavljivanja javnog poziva;
- f) uvjerenje o izmirenim porezima i doprinosima za zaposlenike (ukoliko ima zaposlenika), ne starije od 30 (trideset) dana od dana objavljivanja javnog poziva (ukoliko nema zaposlenih dostaviti ovjerenu izjavu);
- g) zbirni finansijski izvještaj o ostvarenim ukupnim prihodima i rashodima u toku budžetske godine (za prethodnu godinu), ovjerena fotokopija ne starija od 3 (tri) mjeseca;
- h) program rada za godinu za koju se podnosi prijava, a koji sadrži plan/program i vremensku dinamiku planiranih aktivnosti, potpisan i ovjeren;
- i) Finansijski plan za sufinansiranje udruženja (taksativno navedeni troškovi za koje se traži sufinansiranje), potpisan i ovjeren;

- j) ovjerenu izjavu odgovornog lica udruženja da je udruženje u skladu sa statutom redovno održavalo skupštine udruženja;
- k) dokaz o aktivnom transakcijskom računu udruženja – Potvrda poslovne banke o aktivnom računu udruženja;
- l) druga dokumentacija kojom se dokazuju posebni kriteriji iz ovog Javnog poziva.

Dokumentacija se predaje u originalu ili ovjerenoj kopiji.

VII - NAČIN PODNOŠENJA PRIJAVE

Prijava na Javni poziv se podnosi na Prijavnom obrascu NS-OB-183 sa kompletnom dokumentacijom, u zatvorenoj koverti, putem službenog protokola Općine Novo Sarajevo, radnim danom, ili poštom preporučeno na adresu:

**Općina Novo Sarajevo
Zmaja od Bosne broj 55
71 000 Sarajevo**

sa naznakom:

PRIJAVA NA JAVNI POZIV za dodjelu sredstava udruženjima kojima je utvrđen status udruženja od posebnog interesa i društvenog značaja za Općinu Novo Sarajevo, za 2025. godinu - NE OTVARATI!

Na koverti mora biti naznačen puni naziv i sjedište udruženja koje aplicira po Javnom pozivu.

Prijavni obrazac NS-OB-183 se može preuzeti na web stranici i na protokolu Općine Novo Sarajevo.

ROK ZA PODNOŠENJE PRIJAVE

Ovaj Javni poziv se objavljuje na web stranici Općine Novo Sarajevo i ostaje otvoren 15 dana od dana objave, odnosno do 10. 06. 2025. godine.

Nepotpune i neblagovremene prijave neće biti razmatrane.

VIII - REZULTATI JAVNOG POZIVA I POTPISIVANJE UGOVORA

Općinska načelnica Općine Novo Sarajevo imenuje Komisiju za postupanje po aplikacijama na Javni poziv. Komisija je zadužena da zaprimi i otvori prijave na javni poziv, pregleda prijave i utvrdi formalno-pravnu ispravnost istih, izvrši bodovanje posebnih kriterija, od 1 do 10, te shodno ukupnom broju bodova predloži iznose sredstava koji se dodjeljuju korisnicima koji su ispunili sve uslove. Prijedlog za finansiranje, Komisija dostavlja svim podnosiocima prijave, uz mogućnost ulaganja prigovora Općinskoj načelnici, u roku od 5 (pet) dana, od dana zaprimanja obavijesti.

Prijave kandidata koje ne ispunjavaju sve formalne uslove iz javnog poziva, neće biti uzete u razmatranje. Komisija obavještava kandidate koji nisu ispunili uslove javnog poziva o razlozima nerazmatranje njihove prijave. Na ovu obavijest Komisije moguće je uložiti prigovor Općinskoj načelnici u roku od 5 (pet) dana od dana prijema obavijesti.

Po konačnosti prijedloga za finansiranje, Općinska načelnica donosi zaključak o odobravanju isplate sredstava.

Sa udruženjima kojim su dodjeljena sredstva, zaključuju se pojedinačni ugovori o sufinansiranju, kojim se regulišu međusobna prava i obaveze i drugi elementi bitni za realizaciju odobrenih sredstava i isti su dužni, najkasnije do 15.01.2026. godine, dostaviti narativni i finansijski izvještaj o namjenskom utrošku dodjeljenih sredstava, sa pratećom finansijskom dokumentacijom.

Prihvataju se troškovi koji su nastali u periodu od 01.01.2025. godine do 31.12.2025. godine.

Korisnik sredstava koji ne opravda dodijeljena sredstva, obavezan je ista vratiti.

IX – OSTALA PITANJA

Sve dodatne informacije vezane za Javni poziv mogu se dobiti svakim radnim danom putem telefona: 033 492 105 ili e-mail adrese: biz@novosarajevo.ba


Dostavljena dokumentacija neće se vraćati podnosiocima prijave po Javnom pozivu.

Broj: 14-11-4-5141/25

Sarajevo, 22.05.2025.godine

Općinska načelnica

Prof. dr. Benjamina Karić



PRIJAVNI OBRAZAC
za dodjelu sredstava boračkim udruženjima kojima je utvrđen status udruženja od posebnog interesa i društvenog značaja za Općinu Novo Sarajevo

Podnosilac zahtjeva:

NAZIV UDRUŽENJA	
SJEDIŠTE (MJESTO, ULICA I BROJ)	
KONTAKT TELEFON	
KONTAKT E-MAIL	

Uz prijavni obrazac neophodno je priložiti sljedeću dokumentaciju:

1. rješenje o registraciji udruženja, izdato od nadležnog organa, sa zadnjim izmjenama podataka;
2. statut udruženja;
3. uvjerenje o poreznoj registraciji (ID broj), ovjerena fotokopija ne starija od 3 (tri) mjeseca;
4. uvjerenje o izmirenim poreskim obavezama, ne starije od 30 (trideset) dana od dana objavljivanja javnog poziva;
5. uvjerenje o izmirenim porezima i doprinosima za zaposlenike (ukoliko ima zaposlenika), ne starije od 30 (trideset) dana od dana objavljivanja javnog poziva (ukoliko nema zaposlenih dostaviti ovjerenu izjavu);
6. zbirni finansijski izvještaj o ostvarenim ukupnim prihodima i rashodima u toku budžetske godine (za prethodnu godinu);
7. program rada za godinu za koju se podnosi prijava, a koji sadrži plan/program i vremensku dinamiku planiranih aktivnosti;
8. finansijaski plan za sufinansiranje udruženja (taksativno navedeni troškovi za koje se traži sufinansiranje)
9. izjavu odgovornog lica udruženja da je udruženje u skladu sa statutom redovno održavalo skupštine udruženja;
10. dokaz o aktivnom transakcijskom računu udruženja;
11. druga dokumentacija kojom se dokazuju posebni kriteriji iz ovog Javnog poziva

NAPOMENA:

- Dokumentacija se podnosi u originalu ili ovjerenoj kopiji.
- Pravo na dodjelu sredstava za finansiranje/sufinansiranje ostvaruju boračka udruženja kojima je utvrđen status udruženja od posebnog interesa i društvenog značaja za Općinu Novo Sarajevo, ukoliko su ispunjeni svi propisani uslovi.

Sarajevo, _____ godine

MP

PODNOŠILAC PRIJAVE

(svojeručni potpis)